



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Ioannicivs C. 4. Novembris.

urn:nbn:de:hbz:466:1-42032

fecit, cum provinciam dira lues famesque populararetur, quando, ut Christum operiret, parietes calcavit, se lectulo etiam nudavit. Pestem supplicationibus averit ad DD. pulvinaria instituit, in quibus ipse nudus pedes, funeque in collum injecto, crucem prætulit, & in hac clavum ex illuminum, è quo nobilissimum olim anathema Servator pependit. Porro auctoritati Ecclesie vitam posthabuit; & suam purpuram suo iterum sanguine pinxisset, nisi globus Divum iussus ferire à tergo ad pedes delapsus esset. Puer, cum alii ludos, ipse VIRGINI templa obibat. Præter Horas Canonicas, etiam Marianas quotidie dixit, & dici domesticis voluit. Sub MARIE nomine collegium adolescentulis nobilibus extruxit. MARIE statuam ante omnium templorum portas posuit. Hujus icone armari omnes milites suos voluit, forti utique clypeo. Mitto cætera, hoc addo: alios purpura, CAROLVS purpuram ornavit. *Ex vita.*

O si considerarem, quis sit Deus iste, qui nos dignatur aspicere, cui tam gratum est, quidquid pro salute animarum sit, quam avidè & promptè curreremus omnes, dicentes, Domine. Ecce ego, mitto me! S. Car. Borrom. Concion. 4. in Syn. xi. habitâ,

S. IOANNICIVS C. 4. Novembris.

Quid aula confers, si sanctius in caulâ viximus? Dum gregem pascit, ovis est IOANNICIVS; dum ejectus à fortunâ latus jam Isauricæ Leonis stipat, in lupum abit, & rabiosâ hæresi correptus tristè terris & cælo ululat. Exi, ah! aula, exi, IOANNICI, si exire errore gestis. Audit talia monentem Anachoretam: sequitur vocem, ab aula.

aulæ frequentiam ad silvæ solitudinem invitarem, jamque inter aulicas larvas etiam hæresin abjicit. Agnoverunt itaque iterum & amarunt IOANNICIVM suum Superi, cumque invidia illi venenum misceret, fraudem detexerunt. Ille preces veteres frequentavit: *Spes mea Deus Pater, asylon Christus, sanctum Spiritus est.* Certè unica crux & panoplia & panchrestum IOANNICIO fuit. Hâc ille cum gregem suum circumscripsit ad preces abiturus, nihil unquam ex illo desiderabat; hâc morbos pellebat, serpentes exarmabat, rumpebat vincula, medios hostium cuneos penetrabat, ipsos malos dæmones fugabat. Ipse tamen fugere non erubuit, cum in impuras cogitationes pugnandum fuit. Quin, cum è virgine sacrâ has procripsisset, sed iisdem se obsessum animadverteret, ita ab his abhorruit; ut non dubitaret rectâ ad draconem tendere, prædamque se illi (si Numini placuisset) devorandam objicere. Et profectò, si sapit juvenis, non ita ad flammantes draconis oculos, non fibilos iratos, & dentatos rictus, uti ad aspectus Veneris molles, ad verba mellea & arridentis oscula exhorrescet. *Ex Metaphr.*

Luxuriam mortem anima ille evadere poterit, qui ipsius occasiones fugit, principis tentationis resistit, carnis desideria frangit, corporis abhorret otium, corporis resolutionem recogitat, & præcipue cordis humilitatem possidere conatur. S. Laurent. Iustin. lib. 1. de Spirit. interitu animæ.

S. EMERICVS CONF. 4. Novembris.

Pater EMERICO D. Stephanus fuit Vngariæ rex. Matrem in terris Giselam, D. Henrici Imperatoris sororem, in cœlis MARIAM salutavit.